

太宗嗣立

太祖年四十己卯，将伐西域。临行时，也遂夫人劝帝预定嗣立。帝集诸子、群臣会议，太祖四子术赤为长，帝欲立之。

术赤母孛儿帖夫人，初孕时，蔑儿乞人修宿怨来掩捕，太祖匿于不儿罕哈拉敦山，未被获，获孛儿帖而去。太祖乞师于克烈亦部长汪罕，复得札只剌部长札木合助兵，乘夜缚筏渡勤勒豁河，袭取蔑儿乞，夺孛儿帖以返。比在归途，术赤生，仓卒无襁儿具，乃搏麪如篮形，置于骑以载归。太祖喜曰：「此不速之客也。」名之曰术赤，然卒以是见轻于诸弟，仲弟察合台尤与不协。至是会议嗣立，察合台至，晋之为蔑儿乞种。故术赤不得立，遂以三子窝阔台嗣帝位，是为太宗。